

ORATIO

DE AUGUSTISSIMO VERBI INCARNATI MYSTERIO

Metropolitana D. STEPHANI Basilica

CORAM
ANTIQUISSIMA AC CELEBERRIMA
UNIVERSITATE VIENNENSI,
DEFERENTE

MODUM REVERENDO
AC CLARISSIMO PATRE

UDOVICO DEBIEL,

State JESU, AA. LL. Philosophiæ & SS. Theologiæ
ore, ejusdemque in Antiquissima, ac Celeberrima Univer-
sitate Viennensi Professore ordinario,

Nec non

Inclytæ Facultatis Theologiæ p. r.

ECANO SPECTABILI,

tatis JESU Religioso, SS. Theologiæ in secundum
annum Auditore dicta.

VIENNÆ AUSTRIÆ,
POLDI JOANNIS KALIWODA, Universitatis Typographi. 1739.

ORATIO

AVGUSTISSIMO

AVRILIANI

MYSTERIO

AVRILIANI

AVRILIANI

AVRILIANI

AVRILIANI

AVRILIANI

AVRILIANI

AVRILIANI

AVRILIANI

AVRILIANI

AVRILIANI

AVRILIANI

AVRILIANI

AVRILIANI



ORATIO.



Ominem DIVINI semper fuisse
curam consilii, totidem nobis declara-
tur argumentis, quot numeramus ar-
tes, quibus artifex sapientia mortalium
impugnavit pectora, ut mortalem im-
mortali vinculo suavissime sibi devinciret. *Perillustris,*
Magnifice Domine Universitatis RECTOR! Admo-
ni Reverende, ac Clarissime e Societate JESU Pater,
Thylytæ Facultatis Theologicæ DECANE Spectabilis!
Thylyta Facultas Theologica! Senatus, Populusque Acade-
mice! Inde est, quod Omnipotentia princeps omnium
arenam descenderit, & pulcherrimam hanc mundi fa-
mam in humani generis delicias adornarit; hæc tantam
architectata est molem, hæc exquisitam adeo formæ ma-
jorinata est venustatem, hæc multiplicem illam rerum
A 2 condi-

condidit varietatem, ut mortales oculos in obsequentem traheret admirationem, & optatos mutui amoris fructus ab homine meteret.

At vero præclaris hîlce pervagatæ beneficentiæ monumentis operam (dicere mihi liceat) lufisset omnem Omnipotentia, nifi vicarius eidem successisset Amor, & miffo Divinitatis Solio caufa pari, ratione prorfus difpari amicam aciem inftauraffet. Quid igitur egit? aut quid agere potuit Divinus Amor, ut obduratas hominum voluntates fibi faceret vectigales? Advertite, ACADEMICI! paucis edicam: Immenfum Divinitatis splendorem quibusdam quafi tenebris obfcuravit, formidandum Majestatis apparatus cultu paupere occultavit, infinitam DEI magnitudinem anguftis humani corporis limitibus circumfcripfit. Etenim dum humanis fefe membris coope-ruit DEUS, dum cœlum cum terra, thronum cum vili præfepio commutavit, amovit ea omnia, quæ ab amore abfterrere poterant, ea, quæ amoris incremento maxime fervirent, adfcivit. Quæ duo dum pluribus exequi adgredior, id operam dabo, ut Divini erga nos Amoris magnitudinem, quantum intra exiguos orationis limites coercere licebit, intelligatis.

A Morem & Timorem gemina Dominantium præfidia diffidere plurimum pervetustæ experientiæ vox est, ipsius quoque fapientiæ tabulis comprobata; neque enim Timor aut beneficiis fubditorum conciliat

ciliat benevolentiam , aut officiis consecratur gratiam , neque meritis ullis pronam populorum obtinet voluntatem ; immixtus terrori mortalium ubique pœnam circumfert ac servitutem. Amor , suam persequens libertatem , dominatum respuit , durasque ita contemnit servitutis leges , ut actum ageret , si timeri amaret , si ferro , si fulmine Regnum suum stabiliret. Senferunt id Duces illi magni , & populorum triumphatores , qui victores ut ut gemino in orbe pedem defixerant , in amore , ceu unica adorearum basi constitere ; superbis illi provincias peragrarunt victoriis , exercitus terrore fortissima sibi subiecere propugnacula , belli fulmine munitissimas stravere urbes , non animos , oppida , non corda. Hinc seposito , qui incusso metu animorum præpediret victoriam , triumphali fastu , lauros , alias subdi nescias , amoris clementiæ subdidere , ut debellata populorum fidelitate amoris stabilirent principatum. Artes has , quibus mortalitas amoris imperium protulerat , suo DEUS ipse exemplo ratas habuit ; vindici enim Majestatis splendore videns prosterni Angelos , ad fulmina expavescere mortales , vel ad nutum profundissimas terrarum abyssos contremiscescere , neque inde amoris proferri fines , timorem amoris hostem infensissimum toto late orbe ejecit.

Divinitate quidem ipsa ad miseros nos mortales inviserat , sed hujus fulgorem humano corpore , ceu nube quadam velaverat ; Judex ille , ad cujus tribunal causam dicet mortalitas , mundum subiverat , non feralem in reos

mortis sententiam, sed vitam & amoris sui beneficentiam promulgaturus.

Terruerat olim mortales formidandum Dominantis nomen, cum mare vix eo audito fugeret, cum ad ejus imperium juxta tonaret cœlum, & per ultricia fulmina nocentes terras absumeret; loquebatur olim Dominus non nisi grandia grandibus: ex densa nubium caligine, in fumantis petrae vertice, inter tonitruorum fragores leges amico dictabat populo; non mortalium subibat oculos, nisi pro comitatu incendia, pro satellitio tempestates, pro splendore formidandos Angelorum exercitus secum adduceret. Nunc seposita terribili Majestatis reverentia, mundum sola stipatus humani corporis imbecillitate ingreditur, vagitum edit, non tonitru, invitat aspectu, non terret fulmine, sub amica noctis delitescit caligine, non coruscat ignibus, misso denique Angelorum satellitio, a jumentis vilissimis, a despecta mortalium cingitur egestate. Obstupescendam Angelis sapientiam celat vagitu, ne quid nostra timeret insipientia; constringit Omnipotentiam imbellibus fasciis, ne infirmitas nostra vereretur; tribunal Judicis, severitatem Justitiæ infantilibus cunis, vili stabulo definit, ut ne perfida trepidaret improbitas, sed metu sollicitos mortalium laxaret animos, & dissimulato DEO, ac Judice, omni remoto obice, hominum cordibus inspiraret amorem.



At parum in rem nostram dissimulata solum DEI ac Judicis Majestate Divinus contulisse Amor videri posset, nisi DEUM quoque in hominem, Judicem in placidissimum Patrem, ac prope amicum commutasset, sicque se inter & hominem sive morum, sive munerum, quæ amoris scaturigo est, communionem induxisset, & æqualitatem. Audax effatum! quî enim Numen, nulli aut temporum, aut munerum vicissitudini obnoxium, quidpiam de institutis suis, de congenita sibi gloria, ac Majestate immutabit? Effecit tamen id Amor, & ita DEUM humana induit imbecillitate, ut congenitam Divinitati suæ non amitteret Majestatem. Novum quippe (ut eloquentiæ religionem sacratoris scholæ placitis subjiciam) novum *Esse* acceperat DEUS de priori nihil amittendo, ut DEUS sit æque homo, ac homo DEUS; qui enim nostram assumpserat naturam, ut homines faceret Deos, velut immensa cœli terræque spatia in punctum colligeret, DEUM & hominem conciliavit, ne injurio pavore homo metueret DEUM, ne verum amoris fontem vel in DEO desideraret æqualitatem.

Ecquid autem is, qui DEUM, mutatum in hominem, formidare nequit, ad severitatem Judicis expavescet? esset enim vero, esset, quod rea criminum conscientia fatalem arbitri Numinis expavesceret sententiam, quando inveteratis flagitiis, armatam fulmine Justitiam ad vindictam provocavit, nisi Amor, qui DEUM mutavit in hominem, Judicem quoque in Patrem, imo ami-



amicum convertisset. Relicto enim censore criminum folio in terras tunc DEUS descenderat, quando sol lucem suam non nisi idololatriis, quando terra fecunditatem nonnisi sacrilegis, quando ipse suam, tot sæculorum desideratam suspiriis, præsentiam tot odii solummodo & justissimæ vindictæ irritamentis impertiri poterat; at tantum abest, ut in illo criminum censorem metus noster acciperet, ut Patris clementiam potius & amici blanditias experiretur.

Vix fontes terras conspexerat, amorem pro furore induit, a justissimo, quod perduelli paraverat impietati, bello in pacem deflexit; provocatus ad fulminandam in reos sententiam, injuriarum absolvit; quin ut omnem a mortalibus arceret formidinem, nuncios præmisit Angelos, qui clementiam, qui pacem, qui amorem promulgarent, & ad ineundam secum arctissimam amicitiam invitarent. Hujus ut specimen exhiberet, in partem curarum juxta ac dolorum nostrorum venerat, luctibus nostris luctum miscuit, gementibus collachrymavit.

Parce jam metui anxia mortalium sollicitudo! pende amorem, quando timere nequis, quando in verendo nihil jam amplius pertimescendum est Numine. Amovit Amor metuendum Majestatis apparatus, sublimitatem Numinis depreffit, severitatem mutavit Judicis, Divinum ad fastigium tuam extulit humilitatem, DEUM inter & hominem amorum matrem peperit æqualitatem.

Quid

Quid moratur? quin illi respondeas amor, qui non solum timeri vetat, sed & blanditiarum, imo beneficiorum illicitis ad amandum invitat.

REmotior a nostra memoria ætas descripsisse optime sibi videbatur amoris ingenium, dum illud pusilli infantis sub imagine adumbravit, ceu ratio & pro-
vecta ætas ab amore penitus abhorreret. At inustum tibi hoc patiare dedecus, Amor profane! pusio es, uti an-
nis, ita ratione carens, cum cæco amandi impetu, non provido cautæ mentis consilio agaris; tempus tibi inimi-
cum est, in hoc capitalem, qui te jugulat, hostem ex-
periris. Alia Divini Amoris est indoles; dejecit ad cu-
nas Majestatem, imbelles elegit fascias, quia ratione uti-
tur, quia amoris perpetuitatem non temporis angustiiis,
sed æternitate circumscribit. Induit Divinus Amor par-
vulum; o delicias! oculorum blandimenta movet; o
dulce imbecillitatis nostræ illicitum! sic nasci, sic oculis
obversari voluit, tam innocentibus invitare illecebris, ut
nihil omitteret, quod amorem vel a barbaris extorqueret.

Da veniam hic sublimium non nisi rerum arbitra
mortalium Sapientia! si cogitatus tuos parvulorum cu-
nis subijciam, si e crepundiis momenta causæ detegam,
quibus vectigalem amoris substernas voluntatem. Im-
bellem aspice infantiam, ut mortalium incantat animos?
ut ex insidiis captat pectora, etiam hebetum, etiam bar-
barorum? Innocentia illa, quæ oculis potius quam ver-
bis

bis precarium sibi postulat affectum, arridentes sine lege omnibus serenæ frontis blanditiæ, ignara artium & prompta, ignotis etiam sese committendi facilitas, imbecillitas illa, quæ suavi potentia & oculos rapit, & animos, tantum in mortalium pectora tenet dominatum, ut videri non possit, judicari nequeat, quin ametur. Quid imbecillis humano in pectore possit infantia, si non vobis, saltem credite genitoribus, credite barbaris, vel ex belluis intelligite. Reptantem illi in cunabulis parvulum arridere sibi vix sentiunt, jam mutui esse amoris signum rati, in manus susceptum fovant amplexibus, levem risum deproperatis rependunt basiis; barbarorum sævities, belluarum immanitas ad suaves infantis blanditias, ad dulces ætatis hujus illecebras exarmatur.

Si ipsa igitur infantia tantum in omnes amoris obtinet dominatum, quæ tandem causæ momenta invenire poterit genus humanum, quibus ingratham in amando DEO homine excuset amoris tarditatem? an suavissima parvulorum illicia in solo infante DEO hominum nequeunt invitare animos? an non majora vel inde sunt amoris incitamenta, quia ultro assumpta, sponte electa, summam quoque beneficentiam suam ducunt in comitatum. Infantilibus enim sese membris cooperiens DEUS, humanis premi voluit calamitatibus, ut nos redderet felices; servitutem induit, ut in libertatem nos restitueret; paupertatem elegit, ut æternos aperiret thesauros; nasci voluit morti, ut immortalitatem nobis vindicaret,

tot modis in nos beneficus, quot nos ingrati, quia amavit beneficiorum immemores, ut amoris exhiberet magnitudinem.

Fortissima homines inter amicitiae vincula ingrata officiorum dirumpit oblivio, neque vel dubia in referenda gratia pietas novis digna beneficiis unquam visa est; sæpe quidem illos etiam complectimur, qui ingrati animi laborant vitio; & infensissimos, amicos inter numeramus, quia, arcana cordium perspicere homini cum non liceat, simulandi artibus, quibus veritas obtegatur, nostra fallitur credulitas; verum sic inimicum diligere, ingratum complecti, indignum non tam amasse est, quam ignorasse. Faceſſat hæc a Divino Amore ignorantia: amavit homines, & non ignoravit ingratos; vidit hostes, & indignos ornavit beneficiis; amoris oculos non in lapsa modo, sed postera etiam conjiciens tempora, quos ab injuriis & odio nunquam discessuros viderat, summa complexus est benevolentia.

Verum ne hæc ipsa amoris magnitudo sollicitæ in referendis gratiis mortalium imbecillitati non amoris, sed meriti potius timoris esset incitamento, charitatis magnitudinem novis occultavit artibus; dissimulavit amoris vehementiam, ut omnem ingrati animi culpam a nobis removeret. Alto noctis in silentio e cœlesti descendit solio, ne mortalium culpæ, sed tenebris potius tribueretur ignorantia; in lachrymarum imbrem ob nostra solutus est crimina, & hoc prodigæ lachrymarum infantiae

adscriptum voluit; in ventis undique pervio natus stabulo, locum negat fuisse in diversorio, ne ingrata hominum notaretur crudelitas, quæ nec vilem in urbe concessit angulum; sic nasci eligens, necessitatem videri optat, culpam tempori tribuens, ut celando amoris excellentiam ingrata mortalium consuleret oblivioni.

I jam, causare quidpiam meticulosâ mortalium imbecillitas! quo minus indutum mortali corpore prosequaris Numen. Formidandas finge rerum imagines, timorem consule, ut momenta suggerat, quæ ab amando DEO homine possint abstertere. Non est jam amplius, non est, quod metuas; vetat timorem amor, qui omnia formidinis incitamenta proscrispsit, omnia amoris adscivit. Numinis timuisti Majestatem; an hominem non amabis? Ad judicis trepidasti severitatem; an Patrem non amplexaberis? an amicum, an infantem expavesces? Amoris blandimenta poscis, beneficentiam exclamas? habes blandientis in cunis Parvuli beneficia, totidem tui pectoris invitamenta. Ad Amoris magnitudinem immemor beneficii obstupescit culpa? novit hanc Amor, & a crimine removet. Adsterne igitur nati DEI hominis præsepio amorem; ama tota animi potentia, qui, ut amaretur, sua te complexus est omnipotentia.



D I X I.